



XALQ DEPUTATLARI SURXONDARYO VILOYATI KENGASHINING Q A R O R I

2025-yil 24-yanvar

VII-4-10-8-0-K/25

Surxondaryo viloyati

Surxondaryo viloyatida yuridik va jismoniy shaxslarning 2025-yil uchun mol-mulk hamda yer solig'i stavkalarini belgilash haqida

O'zbekiston Respublikasi Soliq kodeksining 412-, 429- va 437-moddalariga asosan Surxondaryo viloyatida 2025-yilda yuridik shaxslarning mol-mulkiga solinadigan soliqning minimal qiymatiga nisbatan koeffitsiyent qo'llash va viloyatda yuridik va jismoniy shaxslarning qishloq xo'jaligiga mo'ljallanmagan yerlariga 2025-yil uchun yer solig'i stavkalarini tasdiqlash yuzasidan deputatlar tomonidan bildirilgan fikr-mulohazalardan inobatga olib, O'zbekiston Respublikasining "Mahalliy davlat hokimiyati to'g'risida"gi Qonunning 6-, 24-moddalariga muvofiq xalq deputatlari viloyat Kengashi **qaror qiladi:**

1. Viloyat Soliq boshqarmasining 2024-yil 25-dekabrdagi 18-84165- va 20-84383-sonli xatlari ma'lumot uchun qabul qilinsin.

2. Viloyat hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari – viloyat Iqtisodiyot va moliya bosh boshqarmasi boshlig'i Sh.Rajabov, viloyat Soliq boshqarmasi (E.Narmanov)ga:

yuridik shaxslarning mol-mulkiga solinadigan soliqni hisoblab chiqarish maqsadida, ko'chmas mulkka bo'lgan huquqlarni davlat ro'yxatidan o'tkazuvchi organlarda ro'yxatdan o'tkazilishi lozim bo'lgan binolar va inshootlarning 1 kv. m uchun mutloq miqdorda belgilangan minimal qiymatda bo'lishini nazorat qilish;

yuridik shaxslarning mol-mulkiga solinadigan soliqni hisoblab chiqarish ko'chmas mulkka bo'lgan huquqlarni davlat ro'yxatidan o'tkazuvchi organlarda ro'yxatdan o'tkazilishi lozim bo'lgan binolar va inshootlarning 1 kv. m uchun mutloq miqdori viloyat markazlarida 2 200 000 (ikki million ikki yuz ming) so'm va boshqa shaharlarda va qishloq joylarda 1 300 000 (bir million uch yuz ming) so'm belgilanganligi minimal qiymatda bo'lishi yuzasidan "Surxondaryo" televideniyesi bilan hamkorlikda press klublar va chiqishlarni amalga oshirish hamda televideniye orqali keng ommaga taqdim etish;

minimal qiymat bo'yicha yuridik shaxslarning mol-mulkiga solinadigan soliq qishloq joylarida keskin oshib ketishining oldini olish maqsadida, xalq deputatlari viloyat Kengashi belgilagan minimal qiymatga tumanlarning iqtisodiy rivojlanishiga qarab, 0,5 gacha kamaytiruvchi koeffitsiyent kiritish;

yuridik shaxslar tomonidan mavjud mol-mulkleri uchun hisoblangan yer soliqlarini o'z vaqtida va to'liq to'lab borishlarini nazoratga olish;

2025-yil 1-fevralga qadar soliq to'lovchilarni qo'llab-quvvatlash va e'tirof etish maqsadida 2024-yil davomida mol-mulk soliqlarini belgilangan tartibda va muddatda to'lashda faol bo'lgan har bir tuman (shahar)dan kamida 3 tadan yuridik shaxslarni moddiy va ma'naviy tomonlama rag'batlantirish takliflarini kiritish vazifalari yuklatilsin.

3. Quyidagilar:

O'zbekiston Respublikasi Soliq kodeksi bilan belgilanadigan yuridik shaxslarning mol-mulkiga solinadigan soliqning minimal qiymatga nisbatan koeffitsiyenti 1-ilovaga;

O'zbekiston Respublikasi Soliq kodeksi bilan belgilanadigan soliq stavkalari asosida (yuridik va jismoniy shaxslarning) qishloq xo'jaligiga mo'ljallanmagan yerlar uchun shahar va tumanlar kesimida, ularning iqtisodiy rivojlanishiga qarab, kamaytiruvchi va oshiruvchi koeffitsiyentlari 2-ilovaga muvofiq tasdiqlansin.

4. Viloyat hokimining moliya-iqtisodiyot va kambag'allikni qisqartirish masalalari bo'yicha birinchi o'rinbosari – viloyat Iqtisodiyot va moliya bosh boshqarmasi boshlig'i Sh.Rajabov, viloyat Soliq boshqarmasi (E.Narmanov):

yer solig'ining amaldagi stavkalari yuridik shaxslar 1 gektarga 35,2 mln. so'm va jismoniy shaxslar 1 kv. m ga 330,0 so'm, yuridik shaxslar uchun 1,30-1,53 koeffitsiyentgacha va jismoniy shaxslar 1,2-1,5 koeffitsiyentgacha indeksatsiya qilinishi qo'llagan holda yer solig'i stavkalarini belgilashi mumkinligi yuzasidan "Surxondaryo" televideniyesi bilan hamkorlikda press klublar va chiqishlarni amalga oshirish hamda televideniye orqali ommaga taqdim etsin;

belgilangan yer solig'i stavkalariga (yuridik va jismoniy shaxslarning) qishloq xo'jaligiga mo'ljallanmagan yerlar uchun ularning hududlarida joylashgan daha, mavze, mahalla, ko'cha kesimida 0,5 dan 2,0 gacha kamaytiruvchi va oshiruvchi koeffitsiyentlarni qo'llashlari yuzasidan ma'lumotlarni ta'minlab bersin;

xalq deputatlari shahar va tumanlar Kengashlari tomonidan qishloq xo'jaligiga mo'ljallanmagan yer uchastkalari uchun keyingi soliq davriga tasdiqlangan soliq stavkalarini **5 (besh) kun** ichida soliq to'lovchilarga ma'lumot uchun yetkazilishini ta'minlasin;

10 (o'n) kun muddatda 2024-yil davomida qishloq xo'jaligiga mo'ljallanmagan yerlari uchun yer soliqlarini belgilangan muddatda va miqdorda faollik bilan to'lagan viloyatdagi barcha yuridik va jismoniy shaxslarni mahalliy budjet hisobidan moddiy va ma'naviy rag'batlantirish to'g'risida tegishli xalq deputatlari mahalliy Kengashlariga takliflarini kiritсин;

yuridik va jismoniy shaxslar tomonidan mavjud yer maydonlari uchun hisoblangan yer soliqlarini o'z vaqtida va to'liq to'lab borishlarini nazoratga olsin.

har chorak yakunida yuridik va jismoniy shaxslarga hisoblangan yer solig'i va undirilgan soliqlar to'g'risida hamda yuridik shaxslarga hisoblangan mol-mulk solig'i va undirilgan boshqa soliqlari to'g'risida xalq deputatlari viloyat Kengashiga axborot berib borsin.

5. Xalq deputatlari viloyat Kengashi deputatlari, viloyat Axborot va ommaviy kommunikatsiyalar boshqarmasi (Z.To'rayev), viloyat teleradiokompaniyasi (B.Mingboyev), "Surxon tongi" va "Заря Цурхана" gazetalari tahririyati (S.Norqobilov)ga mazkur loyihani amalga oshirishdan maqsad va uning viloyat, shahar

va tumanlar iqtisodiyotini yuksaltirishdagi afzalliklari to'g'risida televideniye, radio, rasmiy sahifalar orqali ommaviy axborot vositalari va internet tarmoqlarida keng yoritib borish tavsiya etilsin.

6. Xalq deputatlari Surxondaryo viloyati Kengashining 2023-yil 30-dekabrdagi "Surxondaryo viloyatida 2024-yilda yuridik shaxslarning mol-mulkiga solinadigan soliqning minimal qiymatiga nisbatan koeffitsiyent qo'llash to'g'risida" VI-81-234-8-0-K/23-sonli hamda 2023-yil 30-dekabrdagi "Surxondaryo viloyatida yuridik va jismoniy shaxslarning qishloq xo'jaligiga mo'ljallanmagan yerlariga 2024-yil uchun yer solig'i stavkalarini belgilash haqida" VI-81-233-8-0-K/23-sonli qarorlari o'z kuchini yo'qotgan deb hisoblansin.

7. Ushbu qarorning ijrosini nazorat qilish xalq deputatlari Surxondaryo viloyati Kengashining Mahalliy budget, iqtisodiy islohotlarni amalga oshirish, turizm, investitsiyalar va tadbirkorlikni rivojlantirish masalalari bo'yicha doimiy komissiyasi (I.Yoqubov) zimmasiga yuklatilsin.

8. Mazkur qaror rasman e'lon qilingan kundan kuchga kiradi.

Kengash raisi



CHORIYEV ABDURAIM
RAVSHANOVICH

Xalq deputatlari Surxondaryo viloyati
Kengashining
2025-yil 24-yanvardagi
VII-4-10-8-0-K/25 -son qaroriga
1-ilova

**Surxondaryo viloyatida 2025-yilda yuridik shaxslarning mol-mulkiga soliq
solishda minimal qiymatga qo'llaniladigan koeffitsiyent
MIQDORI**

T/r	Shahar va tumanlar nomi	Koeffitsiyent
1	Termiz shahri	1,00
2	Angor tumani	1,00
3	Oltinsoy tumani	1,00
4	Boysun tumani	1,00
5	Muzrabot tumani	1,00
6	Denov tumani	1,00
7	Jarqo'rg'on tumani	1,00
8	Qumqo'rg'on tumani	1,00
9	Qiziriq tumani	1,00
10	Sariosiyo tumani	1,00
11	Termiz tumani	1,00
12	Sherobod tumani	1,00
13	Sho'rchi tumani	1,00
14	Uzun tumani	1,00
15	Bandixon tumani	1,00

Xalq deputatlari Surxondaryo viloyati
Kengashining
2025-yil 24-yanvardagi
VII-4-10-8-0-K/25 -son qaroriga
2-ilova

**Surxondaryo viloyati bo'yicha yuridik va jismoniy shaxslarga 2025-yil uchun
belgilangan yer solig'i bazaviy stavkalariga qo'llaniladigan
KOEFFITSIYENTLAR**

T/r	Shahar va tumanlar nomi	Yuridik shaxslardan undiriladigan yer solig'i stavkalari, 1 ga uchun		Jismoniy shaxslar yer solig'i bo'yicha, 1 kv. m uchun <i>(turar joylar uchun belgilangan o'sish me'yorida oshmagan holda)</i>	
		Koeffitsiyent (0,5 dan 2 gacha)	Yer solig'i stavkasi 2025-yil uchun (so'mda)	Koeffitsiyent (0,5 dan 2 gacha)	Yer solig'i stavkasi 2025-yil uchun (so'mda)
1	Termiz shahri	1,53	53 680 000	1,48	488,4
2	Angor tumani	1,40	49 280 000	1,25	412,5
3	Oltinsoy tumani	1,20	42 240 000	1,15	379,5
4	Boysun tumani	1,20	42 240 000	1,10	363,0
5	Muzrabot tumani	1,20	42 240 000	1,15	379,5
6	Denov tumani	1,45	51 040 000	1,36	448,8
7	Jarqo'rg'on tumani	1,40	49 280 000	1,25	412,5
8	Qumqo'rg'on tumani	1,30	45 760 000	1,12	369,6
9	Qiziriq tumani	1,20	42 240 000	1,10	363,0
10	Sariosiyo tumani	1,30	45 760 000	1,15	379,5
11	Termiz tumani	1,40	49 280 000	1,21	399,3
12	Sherobod tumani	1,30	45 760 000	1,12	369,6
13	Sho'rchi tumani	1,40	49 280 000	1,31	432,3
14	Uzun tumani	1,30	45 760 000	1,12	369,6
15	Bandixon tumani	1,20	42 240 000	1,10	363,0